



29. august 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

1. Nunat tamat akornanni niuernermik bachelorinngorniarfik aamma Aningaasaqarnermik nukissatigullu sillimatinik aqutsinermik bachelorinngorniarfik pillugit Isumaqtigiissut sunarpiaava 2017-mi ukiakkut Naalackersuisut Niuernermillu Ilinniarfiup isumaqtigiissutigisimasaat?

2. Sunarpiaq pissutaava ilinniagassat marluk aallartinnissaannut atortussat aningaasaluunniit akuersissutit isumagineqarsimanninnerannut, 2017-mi isumaqtigiissutigineqarsimappat, ilinniakkat aallartinneqartussaasut?

3. Naalackersuisut uppersarsinnaanerlugu Ilinniartitaanermut Naalackersuisoqarfiup Niuernermik Ilinniarfik 2017-mi ataavartumik attavigisarsimagaa ilinniartit marluk nutaat pineqartut aallartinnissaa pillugu?

4. Naalackersuisut isumaat naapertorlugu kiap akisussaaffigaa ilinniartut aqqaneq-marluk ilinniarusutaminnik aallartitsinnaannginnerat aamma Naalackersuisut isumaat naapertorlugu akisussaasumut akisussaasunulluunniit qanoq kinguneqartitsisoqartariaqarpa?

5 Naalackersuisut suliamut tunngatillugu allanik soqutiginaateqarsinnaasunik paasisutissiisinnaappat?
(Inatsisartunut ilaasortaq Nivi Olsen, Demokraatit)

Tunngavilersuut

Ataasinngorpat 2. septembari ilinniartut aqqaneq marluk ilinniakkat marluk nutaat aallartittussaagualuarpaat, "Nunat tamat akornanni niuernermik bachelorinngorniarneq" aamma "Aningaasaqarnermik nukissatigullu sillimatinik aqutsinermik bachelorinngorniarneq"

Ilinnialernissaminnut ullut arfiniliinnanngortut ilinnialernissaminnut akuerineqarnikuusut oqarfigineqarput ilinniarnertik aallartissinnaanngikkaat.

Malunnarpoq Niuernermik Ilinniarfiup Naalackersuisullu akornanni akisussaaffiup sumut inissinneqarnissaa isumaqtigiingineq pissutaasimasoq.

KNR-mut allakkatigut akissuteqarnermini Niuernermik Ilinniarfiup forstanderia imatut paasisutissiivoq:

" Ilinniarfiup naalackersuisoqarfik ilinniakkanik marlunnik aallartitsinissamut 2017-imi novembarimili qanimut suleqatigaa – naalackersuisoqarfiullu ilinniakkat aningaasaliiffigineqarnissaa aningaasanut inatsimmi inissinneqarsimanninnerarlugit ilinniarfik ilisimatitsissutigikuunngilaa. Illuatungaanili



siulersuisut naalakkersuisoqarfik aningnaasaliisoqarnissaa pillugu ukiuni marlunni kingullerni qanimut oqaloqatigiissuteqarfisarpaa, taamaammatt qulakkeerneqarsimanginnera uissuumminarpoq.”¹

Forstanderi Niuernermik Ilinniartuup siulersuisuisa siulittaasuannit Karsten Lyberth-Klausesnimit ilalernerpoq taanna ima oqarmat Sermitsiaq.AG-mut:

” Ilinniakkat 2019-imi aallartinnissaat pillugu Ilinniartitaanermut Naalakkersuisoq siulersuisullu novembarimi 2017-imi isumaqatigiissuteqarput, taamaattumillu aningaasaliinissamut tunngasut qulakkeerneqarsimanginnerat uissuumminartuuvoq.”²

Paarlattuanik Ilinniartitaanermut Naalakkersuisoq Naalakkersuisut ulloq 27. aggusti nassiusaanni tusagassiutinut nalunaarummi ima oqarpoq:

”Pisortat ilinniagassanik neqeruussappata immikkoortumi inatsisit malinneqarsimangippata pisortat ilinniagassanik neqeroorsinnaasussaangillat.”³

Demokraatini isumaqarpugut kina akisussaansoq paasisariaqartoq. Uangutsinnut malunnarpoq arlaanni arlaani suliassani suliarisimangikkai tamannalu ilinnialersussanut pisuussuteqanngitsunut kinguneqarnerluppoq.

Tamanna tunngavigalugu qilanaarpunga apeqqutinnut akissutit ullut qulit ingerlaneranni tigunissaannut.

¹ <https://knr.gl/da/nyheder/12-studerende-fik-en-lang-n%C3%A6se-deres-nye-uddannelser-er-aflyst>

² <https://sermitsiaq.ag/faa-dage-foer-studiestartuddannelser-aflyses>

³ https://naalakkersuisut.gl/da/Naalakkersuisut/Nyheder/2019/08/2708_ni_nuuk